



Inatsisartunut ilaasortaq Anthon Frederiksen, Partii Naleraq
MAANI

§ 37 naapertorlugu apeqqummut nr. 2015-040-imut ANFR Ujarassiornerup inuussutissarslutitut nunaqavissunit soqutigineqarnera, akissuteqaat

5. marts 2015

Sagsnr.

Dok. Nr. 2015-110245

Inatsisartut suleriaasianni § 37 naapertorlugu apeqqutit matuma kingulianiittut, Naalakkersuisunut saqqummiuppatit, taakkualu matumuuna akissuteqarfigineqarput.

Postboks 930

3900 Nuuk

Tlf. (+299) 34 68 00

Fax (+299) 32 43 02

E-mail: mmr@nanoq.gl

www.naalakkersuisut.gl

1. Nunaqavissut ujarassiornermik inuussutissarsiteqarniarlutik soqutiginnittut aallartinnissamut sunik periarfissaqarpat?

Nunaqavissutut pingasunik periarfissaqarpoq:

- i) Akuersissummik peqarani katersineq, takuuk aatsitassanut ikummatissanullu inatsimmi §§ 45 aamma 45 a Ukiumut 100.000 kr. angullugit naleqartunik tigungmiaannartakkanik atortoqarluni aatsitassanik katersisoqarsinnaavoq paaasoqarsinnaallunilu. Periarfissami tassani aatsitassat akisuut ilaatinneqanngillat (diamantit, safir-it, rubinit, smaragd-it, chrysoberyl-it, opal-it aamma aatsitassat qinngornernik ulorianartunik akullit), takuuk aatsitassanut ikummatissanullu inatsimmi § 45 c.
- ii) Kisermaassisussaataitaanani annikitsumik aatsitassarsiornerissamut akuersissut, takuuk aatsitassanut ikummatissanullu inatsimmi § 33 Kisermaassisussaataitaanani annikitsumik aatsitassarsiornerissamut akuersissummik kommunip sumiiffianiittumik qinnuteqartoqarsinnaavoq tunniussisoqarsinnaallunilu. Qinnuteqarnermut akuersissuteqarnermullu akiliut 500 koruuneqarpoq. Akuersissummi tassani tunisinermi killiliussassamik aalajangersaanertaqanngitsumik kiisalu atortunit tigungmiaannartakkanit allaanerusunik, soorlu qaartiterinermik, atuilluni nunaqavissut aatsitassanik assigiinngitsunik misissuinissamut periarfissinneqarput, takuuk aatsitassanut ikummatissanullu inatsimmi § 36, imm. 4. annikitsumik aatsitassarsiornerissamut akuersissummik kisermaassisussaataitaaffiunngitsumik pisinnaatitsissummik pigisaqartut ingerlatseqatigiiffiit allat imaluunniit inuit nunaqavissut kisermaassisussaataitaaffigisaat ataqqisussaavaat. Maannakkorpiaq suleriaasiusoq tassaavoq, inuit nunaqavissut aatsitassanik akisuunik paaaniarunik, nunaqavissoq taanna kisermaassisussaataitaalluni annikitsumik aatsitassarsiornerissamut akuersissummik qinnuteqassaaq tamatumalu kingorna paaanissap akuersissuteqarfigineqarnerissaa qinnutigissallugu, takuuk aatsitassanut ikummatissanullu inatsimmi § 38.
- iii) Kisermaassisussaataitaalluni annikitsumik aatsitassarsiornerissamut akuersissut, takuuk aatsitassanut ikummatissanullu inatsimmi § 33 Kisermaassisussaataitaalluni annikitsumik aatsitassarsiornerissamut akuersissut, nunaqavissumut sumiiffimmuut akuersissuteqarfigineqartumut kisermaassisussaataitaaffiisarpoq. Qinnuteqarnermut akuersissuteqarnermullu akiliut 1.000 koruuneqarpoq. Akuersissutip taassuma pisinnaatitsissummik pigisaqartoq, pisinnaatitsissummik pigisaqartoq aatsitassanut ikummatissanullu inatsimmi § 38 naapertorlugu akuersissuteqarfigineqassappat, assersuutigalugu aatsitassanik

pinnerasaasiassanit nunanit allaneersunit unammillerneqannginnerusussaasut ilimagineqarpoq.

Ujaqqat pinnerasaasiassat nunatsinneersut suliarineqanngitsutut, silisatut, pinnerasaatinut ikkussatut aamma qiperukkatut tuniniarneqartarput. Ujaqqat pinnerasaasiassat pinnerasaatini aammalu pinnerasaasiassanut niuerfinnit kusassaaitut atorineqartarput, tassani aatsitassat aalajangersimasut immikkut kimeqartutut isigineqarlutik. Tamatuma saniatigut ujaqqat pinnerasaasiassat aatsitassaneersut aalajangersimasut katersukkatut imaluunniit kusassaaitut atorineqartarput.

Ujaqqat pinnerasaasiassat nunatsinneersut tuniniaavinnut neqeroortigineqarsinnaassappata, taakkua niuerfimmii pissarsiarineqarsinnaasariaqarput. Ujarassiornermut nunap assiliornermi ujaqqat pinnerasaasiassat aallunneqarsimangillat, aammalu periarfissaqarfiusut paasinialugit ujaqqanik pinnerasaasiassanik peqarfii, immikkut annikitsumik aatsitassarsiornermik ingerlatsineq sammillugu, nunap assiliornissaq pisariaqartussaavoq. Kalaallit Nunaat nikerartumik nunami sananeqaateqarpoq, taamaattumillu assigiinngitsunik pinnerasaasiassanik ujaqqanik peqarfinnik nassaarnissamut periarfissaqarnera naatsorsuutigineqarsinnaassaaq.

4. Ujaqqanik pinnerasaatissanik nunatta avataanut niueruteqassagaanni suut piumasaqaataappat?

Inuup nunani allani /inunnut nunani allaniittunut tuniniaasussap avammut annissuinissamut akuersissummik Aatsitassanut Ikummatissanullu Aqutsisoqarfimmit tunniunneqarsimasumik peqarnissaata saniatigut immikkut piumasaqaateqartoqanngilaq. Tamatuma saniatigut aatsitassanik akisuunik tuniniaanermi aatsitassanut ikummatissanullu inatsimmi nassuiarneqartumi, nunaqavissut annikitsumik aatsitassarsiornermikkut akuersissummik peqassasut aammalu aatsitassat akisuut piarnissaannut akuersissuteqartoqarsimassasoq piumasaqaataavoq.

5. Suliffeqarfiit nunatsinneersut ujarassiornermi aatsitassarsiornermilu peqataatinneqarnerulernissaannut Naalakkersuisut suliniuteqarpat?

Aap, annikitsumik aatsitassarsiornermut suliaasaqarfik ineriartortissinnaajumallugu kiisalu inunnut ullumikkut annikitsumik aatsitassarsiornermikkut akuersissummik pissarsereersimasunut pitsaanerusunik periarfissaqartitsilernissamut suliniutinik arlalinnik Naalakkersuisut aallartitsereerput.

6. Suliniuteqartoqarsimappat suut suliniutigineqarpat?

Suliniutit assigiinngitsut arlallit suliarineqarput, ilaatigut ujarassiornermut nunap assiliorneq, sumiiffinnik immikkuullarissunik annikitsumik aatsitassarsiornermik ingerlatsiviusussanik immikkoortitsineq aamma annikitsumik aatsitassarsiornermut suliaasaqarfimmi innuttaasunut aamma annikitsumik aatsitassarsiornermikkut akuersissummik pigisaqartunut paasissutissiisarneq annertunerusoq.

Kalaallit Nunaanni ujaqqanik pinnerasaasiassanik periarfissaqarfiusut nalilersorneqarnissaat pisussa qiuqartaralugu, Aatsitassanut Ikummatissanullu Naalakkersuisoqarfimmi maannakkorpiaq piareersaataasumik misissuinermik ingerlatsisoqarpoq. Misissuineq taanna tunngavigalugu, sumiiffiit sorliit Kalaallit Nunaanni ujaqqanik pinnerasaasiassanik peqarfinnik sukumiisumik nunap assiliornermut suliniuteqarfiusinnaanersut nalilersuisoqassaaq. Ujaqqanik pinnerasaasiassanik peqarfiit annikitsumik aatsitassarsiornermik suliaqarnermut atugassatut aammalu sumiiffiit taamaallaat annikitsumik aatsitassarsiornermikkut akuersissutinut neqeroortitsivigineqarnissaannut periarfissaqarneq tassani immikkut sammineqassappat.

Naalakkersuisut paasissutissiissutigisinnaavaat, Qeqertarsuatsiaat eqqaanni sumiiffiit katillugit 247 km²-isut annertussuseqartut, aatsitassarsiorluni misissuinissamut aamma annikitsumik aatsitassarsiornermikkut akuersissutinut

qinnuteqaateqarfigineqarnissamut matoqqatinneqarsimasut, annikitsumik aatsitassarsiornissamut akuersissutinik qinnuteqaateqarfigineqarnissamut ammarneqarnissaat sulissutigineqarmat. Sumiiffiit taakkualuunniit ilaasa ujaqqanut pinnersaasiassanut annikitsumik aatsitassarsiorluni ingerlatsinissamut naleqqunnersut misissuisoqarnerani sumiiffiit matoqqasimapput. Sumiiffiit immikkuullarissut annikitsumik aatsitassarsiorluni ingerlatsinermut inniminnerneqarneranni, sumiiffiit ujaqqanik pinnersaasiassanik peqarfiusut annikitsumik aatsitassarsiornissamut akuersissutinik qinnuteqaatinut atugassiisutigineqarnissaat qulakkeerneqarsinnaavoq.

Annikitsumik aatsitassarsiornissamut pisinnaatitsissummik pigisaqartunut sumiiffinnik naleqquttunik atugassiisarnissap isumagineqarnissaata saniatigut, annikitsumik aatsitassarsiornissamut pisinnaatitsissummik pigisaqartut annikitsumik aatsitassarsiornermut suliassaqarfimmi ilisimasaqarnerulernissamut pitsaanerusunik periarfissaqarnissaat pingaaruteqartorujussuusoq Naalakkersuisut isumaqarput. Taamaattumik annikitsumik aatsitassarsiornermik suliqaarnermik qanoq iliorluni aallartilluartoqarsinnaanersoq, maleruagassat suut malinneqassanersut, aammalu qanoq iliorluni isumannaatsumik peqqissutsikkullu illersorneqarsinnaasumik annikitsumik aatsitassarsiorluni ingerlatsisoqarsinnaanersoq pillugit paasissutissiisutitut najoqqutassanik Aatsitassanut Ikummatissanullu Naalakkersuisoqarfik suliqaaleruttorpoq. Taassumap suliap annikitsumik aatsitassarsiornissamut pisinnaatitsissummik pigisaqartut inissisimareersut misilittagaat/ilikkagaat isummersuutaallu ilanngutissavai. Paasissutissiisutit annertunerusut aamma allaffissornikkut maleruagassat ataatsimoortut aamma ujarassiornermi piginnaasassat iluanni siunnersuineq, soorlu aatsitassarsiornissamik pilersaaruserneq, aatsitassanik suussuserisarneq aamma ujaqqanik pinnersaasiassalerineq, annikitsumik aatsitassarsiorfimmik pilersitsinissaq sioqqullugu, annikitsumik aatsitassarsiornermik ingerlatsineq pillugu ilisimasat qaffasinnerulernissaannut iluaqutaassapput, taamaallunilu iluatsitsilluarnissap ilimanaateqalernera annertunerulersinneqassalluni.

Aatsitassanut Ikummatissanullu Naalakkersuisoqarfik aamma Inuussutissarsiornermut, Suliffeqarnermut Niuernermullu Naalakkersuisoqarfik suleqatigalugu Kalaallit Nunaanni ujaqqanut pinnersaasiassanut inuussutissarsiornerup ineriartortinneqarnissaanut inuiaqatigiinni periarfissaqarfiusut pillugit nassuiaammik suliqaarpoq. Nassuiaammi periarfissat unammilligassallu, annikitsumik aatsitassarsiorluni ujaqqanik pinnersaasiassanik tunisassiornerup ineriartortinneqarneranut atasut paasinarsisinneqarput, aammalu suliniuteqarfiusussat pingaarnarpaat erseqqissarneqarlutik. Nassuiaat 2015-imi Upernaakkut ataatsimiinnerup nalaani agguanneqassaaq.

Akissuteqaat tusarniaassutigineqarpoq Inuussutissarsiornermut, Suliffeqarnermut Niuernermullu Naalakkersuisoqarfimmut, oqaaseqaateqanngilarli.

Inussiarnersumik inuulluaqqusillunga



Andreas Uldum